

## II - ARABAKO LURRALDE HISTORIKOAREN TOKI ADMINISTRAZIOA

### LAUDIOKO UDALA

#### Kartelaren XIV Lehiaketa “2022ko Sanrokeak”

Tokiko Gobernu Batzarrak 2022ko apirilaren 30ean egindako bilkuran, “Sanrokeak 2022” Kartel Lehiaketaren oinarri hauek onartu ditu.

1. Lehiaketa honetan parte hartu ahal izango du 6 eta 14 urte bitarteko edozein adingabeek, Laudioko ikastetxeren batean matrikulatuta badago eta/edo Laudion erroldatuta badago.

2. Egileak nahi adina kartel aurkeztu ahal izango du (lelo desberdinekin), betiere jatorrizkoak eta argitaratu gabeak badira eta ez badute saririk jaso lehenago. Teknika libre izango da.

3. Ez da onartuko irudi edota mezu sexista, xenofobo, arrazistak eta antzekoak dauzkan kartelik.

4. Laudio Udalaren webgunean eskuragarri ipiniko den formularioa beteta aurkeztuko dira kartelak ([www.laudio.eus](http://www.laudio.eus)). Nolanahi ere, elementu hauek eduki beharko ditu:

- Aurkeztutako lanaren leloa.

- Irudi fitxategia.

- Lana aurkeztu duen pertsonaren identifikazio eta kontaktu datuak (datu horiek Laudio Udaleko idazkari nagusiak baino ez ditu ezagutuko, eta ezin izango ditu jakitera eman lehiaketaren emaitza ebatzi arte).

- i. Izen-abizenak.

- ii. NAN/AIZ.

- iii. Jaiotze-data.

- iv. Helbide elektronikoa.

- v. Harremanetan jartzeko telefono zenbakia.

- vi. Egilea ez den harremanetarako beste pertsona baten izen-abizenak, adingabeak direlako.

- Markatzea oinarri hauetan zehazten diren betekizun guztiak betetzen direla adierazteko laukitxoak.

5. Kartelaren irudia daukan fitxategi batean aurkeztuko dira lanak, JPG formatuan (Neurriak: 820x1171 pixel. Bereizmena: 72 pixel hazbeteko. Gehienezko pisua: 2 MB). Ezin izango dira sinatu, eta ezin izango dute eduki aurkeztu duen pertsonaren identitatea ezagutzeko aukera ematen duen elementurik. Gainera, formatu fisikoan ere aurkeztu beharko dira, din-A4 papelean, posizio bertikalean.

- 6. Irudiak DIN-A4 formatuan erakutsi beharko du kartela (bertikalean).

- 7. Hauek dira kartelean nahitaez agertu behar diren testuak:

SANROKEAK 2022 – LAUDIO JAIETAN

- 8. Maiatzaren 20a arte parte hartu ahalko da lehiaketan, egun hori barne.

- 9. Aurkezten diren obrak Udalaren jabetza izango dira, Udalak egokitzat jotzen duen erabilera eman ahalko die eta nahi duen lekuan eta unean ipini ahalko ditu.

10. Lehiaketa honetan parte hartzeak esan nahi du esanbidez onartzen direla zehaztutako baldintza guztiak eta bete egingo direla.

11. Deialdi honen kariaz sor litezkeen auzi guztiak Laudio Udaleko Kultura, Kirol eta Jai Zerbitzuaren eskumen eskusiboa dira.

12. Lehiaketaren oinarriak ZUIN aldizkarian, udal webgunean eta Udalaren ohiko hedabideetan agertuko dira.

13. Saria.

Sari bakarra emango da: 250,00 euroko balioa duen material didaktikoaren sorta bat, herriko saltokietan erositakoa.

14. Irabazlearen nortasuna ZUIN aldizkarian, udal webgunean eta Udalaren ohiko hedabideetan argitaratuko da, eta Laudio Udalaren Kultura, Kirol eta Jai Zerbitzuko dei egingo zaio saria jasotzera joan dadin.

15. Epaimahai Teknikoko kideak.

Laudio Udalak izendatuko du epaimahai teknikoak, eta hau izango da osaera:

– Lehendakaria: epaimahai teknikoaren lehendakaria izango da (kalitateko botarekin berdinketa gertatuz gero), Laudio Udaleko Jailetako zinegotzi ordezkaria.

– Bokala: Bokal gisa jardungo dute, boto banarekin:

- Laudioko pertsona bat artearekin, pinturarekin, diseinu grafikoarekin edota argazkigintzaren lotua.

- Laudio Udaleko Hizkuntza Normalkuntza eta Nortasun Zerbitzuko teknikaria.

- Laudio Udalaren Berdintasun Zerbitzuko teknikaria.

- Laudioko 2 pertsona Sanroka 2022 lantaldeko kideak, talde berak izendatuak.

– Idazkaritza: idazkaria Laudio Udaleko Kultura, Kirol eta Jailetako Zerbitzuko arduraduna edo berak izendatutako zerbitzuko pertsona izango da, hitzarekin baina botorik gabe.

Kartel irabazlea aukeratzeko prozedura.

Aukeratzeko prozedurak bi fase izango ditu:

1. fasea: Epaimahai teknikoak bigarren fasera pasako diren lanak aukeratuak ditu.

2. fasea: "Botoen" fasea izeneko honetan, gehienez, 100 puntu emango dira, honela banatuta:

- Epaimahai teknikoaren botoak: 50 puntu.

- 50 puntu herri-bozketarako.

Lehen fasea. Epaimahai Teknikoak lanak alde aurretik aukeratzeko.

Epaimahai teknikoak hautatuko ditu bigarren fasera igaroko diren lanak, kalitate eta originaltasun irizpideak aplikatuta eta indarrean dagoen legedia errespetatzen dela zainduta.

Aukeraketa sistema "lanen" bozkatzea izango da, bakoitzak hurrengo fasera igaro behar duen erantzunda. Bigarren fasera igaro ahal izateko, aurkeztutako obra bakoitzak gutxienez epaimahaikideen ehuneko 60aren boto positiboak jaso beharko ditu.

Epaimahaiak ez badu lanik aukeratu, lehiaketa hutsik geratuko da.

Lan bakarra aukeratu badu, lan horixe izango da irabazlea, bigarren faseko bozketara jo beharrik gabe.

Bigarren fasea. Bozketak.

- Epaimahai Teknikoaren bozketa (50 puntu). Epaimahaikide bakoitzak 10 puntu izango ditu, egoki irizten dion moduan banatzeko aukeratutako lanen artean. Epaimahaiak hartutako erabakia horrexetarako idatzitako aktan jasoko da, non lan bakoitzak lortu dituen puntuak azalduko diren.

- Herritarren bozketa (50 puntu).

Bigarren fase honetara igaro diren lanak udalaren webgunean jarriko dira ikusgai, gutxienez 7 egun naturaleko epean. Epe berean jarriko dira ikusgai Udaletxeko Hallean.

Horretarako ezarritako epean bozkatu ahal izango da, modu hauetan.

– Udalaren webgunean bertan prestatuko formularioaren bidez.

– Berrikusi aplikazioaren.

– Udaltxeko atondoan jarritako postontzian utziko diren boto-txarteletan.

Udalerrian erroldatuta dauden eta NAN/AIZ duten pertsonak bakarrik eman ahal izango dute botoa, inprimakian adierazten diren baldintzen arabera.

Herritarren bozketaren emaitza.

Behin bozketa prozesua bukatuta, epaimahai teknikoaren idazkariak botoak zenbatuko ditu eta 50 puntu esleituko dizkie kartelei, kartel bakoitzak lortu dituen botoekiko proportzionalki.

Epaimahaiak hartutako erabakia horrexetarako idatzitako aktan jasoko da, non lan bakoitzak lortu dituen puntuak azalduko diren.

Puntuen azken batuketa.

Bi aktak eskura dituztenean, hau da, herritarren bozketari dagokiona eta epaimahairen bozketari dagokiona, kartel bakoitzak fase bakoitzean lortu dituen puntuak batuko dira, eta irabazletzat aitortuko da puntu gehien lortu dituenak.

Berdinketarik izanez gero, epaimahai teknikoaren buruaren presidentearen kalitatezko botoak ebatziko du.

Horren guztiaren akta egingo da, eta bertan, lan bakoitzak lortutako azken puntuez gain, lan irabazlearen leloa eta egilearen datuak agertuko dira. Horrekin kartel irabazlea jendaurrean eta udaletxeko ohiko komunikabideetan iragarriko da.

Laudio, 2022ko maiatzaren 5a

*Alkate-udalburua*

**ANDER AÑIBARRO MAESTRE**